



De Seppli wött en Esel see

Gedicht vom Ueli Rüd

D Frau Niederer het e grosses Ziel.
Sie lernt mit de Sonntigschüeler e Chrippespiel!
De Schläpfers Ruedi het e chechi Poschtur,
da isch die richtig Josefs-Figur!
Ond Chnöpfels Rösli oss der Au,
die spillt d Maria, sini Frau.

2010 1 5



De Seppli wött en Esel see

Gedicht vom Ueli Rüd - Fortsetzig

Drei Hirte sötted mer au no haa:
Hans Schoch, Karl Näf, Fritz Bodemaa.
Frehners Liseli hett blondi Hoor,
grad wie n en Engel - da isch woahr!
So - da hettet mer jetz efang binenand.



De Seppli wött en Esel see

Gedicht vom Ueli Rüd - Fortsetzig


Jetzt d Könige n ossem Morgeland!

Ramsauers Ueli, da isch klar -

de wert de König Balthasar.

De Melchior isch Lochers Migg,

ond de Chaschpar - isch de Fredli Nigg.



De Seppli wött en Esel see
Gedicht vom Ueli Rüd - Fortsetzig

D Frau Niederer winkt jetzt mit de Hand:
"Soo, jetzt hemmer s jo scho binenand!"
Do fangt de Seppli im Egge henne,
halt gottserbärmlech afoo flenne.
Er staggelet: "Er mönd gär nüd lache,
i möcht halt ebe n au mitmache!"



De Seppli wött en Esel see

Gedicht vom Ueli Rüd - Fortsetzig

D Frau Niederer säät: "Wäsch, du bisch no z chli,
i wösst nüd, wa du chönntescht see."

De Seppli lueget d Frau Niederer aa,
ond säät so tüütlich as er chaa:

"I - wär gern en Esel - oder e Chue -
wäsch - denn wär ii ganz nöch bim Chrippli zue!